

四庫全書

集部

欽定四庫全書

御製詩三集卷七十二

古今體一百二十七首

戊子四

微雨

二月廿三日

半夜聞雲佈旋聞雨細霏繼又聞雨止復聞風漸吹曉
起視庭除如灑潤霑微猶幸雲高濃一霈其庶幾傍午
風轉盛片片散天衣亦知土膏酥弗雨可待時於澤獲
願早人情率如斯夜以繼日間惜望發勞晷中心已弗

寧兼盼佳音馳

題方琮畫顧愷之詩意

疊綺春波滑笏流溪村處處出漁舟可知滿壁滄洲意
津逮原從顧虎頭

右春水滿四澤

峯出奇雲雲肖峰峯雲勢若兩爭鋒高人指顧艱著語
有定容還無定容

右夏雲多奇峰

梧桐院落夜深沉，獨上高樓涼不禁。
祇有團團一輪月，清光雅似識人心。

右秋月揚明輝

岡疑千仞振衣裳，雪壓風凌意自強。
茅屋展編相映者，是孫康抑是長康。

右冬嶺秀孤松

詠痕都斯坦玉墨瓶筆室

有序

製出回中珍儲席，上抽瑤簞則擬毛錐戢戢珥時。

可比昭華貯隄廩則見墨海潭潭蘸處奚誇銀甕
琢成附體文房信具二難收便聯函壁府疑兼雙
珎蓋彼貴人所用供奉騰章其來萬里而遙微慙
玩物為憶旁行左向緘祕笈者曾供削牘之書更
同四角中央詠辦香焉試續銘盤之句

削木中書擬管城

中土聚毫為筆外域削木供書猶存古製也

橫行却向左

而行

梵書向右行外域書多同惟回書雖旁行而向左與漢書同

宛看琢玉成筆室

更介為餅貯墨卿點染騰章工述事取携湊便恰怡情

非珍新樣兼精玖用識同文異獻荆

無逸齋

退食

起居餘勑幾臨碧疏每因仰

義畫可當

去聲

讀周書恭已三無奉春光萬象如溪田景

何若乘暇命輕輿

自萬泉莊隄上至聖化寺溪堂即景雜詠

前園初退問

安晨隄上乘閒步輦巡北地候寒遲種稻却看鱗町

去聲

水鋪勻

一株綠柳一紅桃水足預欣耕不勞比似江南春二月

輕輿問景憶前遭

曾無十里到招提月宇風旂枕碧溪更有溪南池館在

橫楣幾處仰

軒題

溪堂小別動經年水態山光淨不遷耐可鏡中叅色相

笑他花柳若為妍

含淳堂

溪堂碧水滄座席玩漣淪鏡影三春靜

奎文百歲新摛詞合蠲綺取象總歸淳於政寧殊此

嘉謨示

聖人

矚巖樓

假山閱歲如真山喬松古栢羅孱顏溪樓向北開戶牖

漾以水態增淨娟乍喜迴座披圖畫疑從複岫生雲煙
便思作霖潤春壠笑我何能享此閒

湛凝齋

綠水砌階近清光座席憑不波常守靜非濁那資澄半
畝無增減一泓泯所能會心觀道妙亦欲湛而凝

襟嵐書屋

沼園偏喜屋依山仁智樂都會此間相映嵐光在襟袖
那勞品齧事躋攀

敷嘉室

物物含嘉趣東皇果善敷無為一氣轉有象萬芳娛此
室獨何似如心虛受乎更看圍綠水淘洗合清都

得真齋口號

物既有真斯有假真乃其實假名也真物假名已莫分
假物真名斯益下真假名物胥戲論其間誰更為得者
西直門外作

春筵秋麥總芃芃都為三冬雪澤充却是吾心不知足

愛看雲作懶聞風

石街清蹕緩前移農務村村舉趾時耕耤隔年擬辰定

耕耤以清明後吉亥舉行
所司於年前定日具奏

勤民倡耨每嫌遲

春耦齋

習禮常臨耤禮前豈辭一再重民天春齋小憩思農父
念彼胼胝意惻然

澄懷堂

澄懷可喻水由已非由他設其借外境朋從斯則多瞻

之風鼓瀾其中有不波又如月印鏡其底沉泥沙叶寄
語欲澄者託懷將若何

題人字柳

液池一例照芙蓉
孌孌柔絲濯濯容
設曰人應登列傳
晉書曾見有王恭

賓竹室

植中底事稱君子
風度穆然若古人
即看虛心與介節
如斯何不可為賓

將軍公明瑞輓詩

螭結之捷鼓勇進孤軍深入心牽縈屢催繼援竟弗援

額爾登額以叅贊統兵自旱塔沿途逗遛屢經傳旨飭責撫臣鄂寧亦十撤進援本邦接應將軍彼並置之不

問偵轅駕馬誠堪驚然猶因糧勦猛密計當兩路兵合

并誰料援師竟避賊

額爾登額既退憊貽誤致老官屯匪孽尾隨大軍伺隙又以猛郊一

帶多有賊蹤彼自生驚阻遂由內地繞至宛頂復恒怯不進

强弩末被魯縞輕蜂屯

蟻襍截歸路將軍體恤諸孱兵携數勇士獨殿後不虞

中要害命傾

將軍公明瑞自大山移駐猛腊率衆擊賊連勝殲數千指以綵營疲病者多不

忍棄去令將領護行而身自殿後接仗臂胸被創竟致捐軀都統扎拉豐阿護軍統領觀音保總兵李全亦俱陣歿

嗟哉捐軀因為國痛惜如失股與肱雙忠雙烈及雙

義

駐藏副都統傅清左都御史拉布敦以鋤光死事表曰雙忠而定北將軍班第叅贊大臣鄂容安為伊犁

賊黨所迫倉猝捐軀是為雙烈黑水之役叅贊伯納木扎爾侍郎三泰遇賊被害是為雙義三逢斯

四何為情

大臣竭忠報國節義炳然罕觀茲後先嬋績三而且四深用慨然

要當專祠

表勲蹟俾爾千古存如生恨緬事益難中止雪仇大舉

期功成

題楊大章畫紫白丁香

或號山人或號僧孰相應孰不相應雪同漫擬李泌誚
朱奪何妨鄭谷憎

耕藉齋居

中祀齋兩日同然敬一心仲春已和望廣殿亦深沉靜
此萬幾勅紛其衆理斟酌漸增愁雨意風每逐輕陰

短歌行

無往不復無屈不信日月虧盈古今代新難違者天難
窮者理歆器宥卮必有所以達人知命君子見幾具曰

予是斯謂遂非

靜怡軒梅花

江南應作子冀北始舒花以屈為信者非冰即玉邪滿庭噴芳馥不水故橫斜相對紅梨朶當誰宜月華

耕藉禾詞

春亥虔因撰吉期翻嫌身先

去聲

此為遲

耕藉例於清明後亥日舉行今

歲二月十八日清明故於廿九日行禮

犁鞭裏事胥文苑

戶部尚書于敏中進犁工部尚

書管府尹事表曰修進鞭二人皆內廷翰林

應有佳詞佐穡儀

戊土歲干籲豐楙子支春仲叶孳萌勤民要務足衣食

穆穆天田此倡

去聲耕

沃壤平治

平聲

厥畝千黃牛拖耒直如弦春郊早見新耕

者所喜土膏潤大田

碧宇雲輕風亦輕三推加一歲躬行

古禮三推考幼農重穡特加

皇

一推每歲遵行率舊典也

知非待雨究希雨愛聽春鳩古樹鳴

聞河南山東得雨

河南山左麥為秋各報均霑三寸優

河南巡撫阿思哈護山東巡撫梁翥

鴻以次奏報二月二十三日省城及所屬並得雨三寸餘是日京城亦得微雨

同日於斯亦微

灑惜風隨作頓成休寧當分此寧分彼一以為欣一

去聲

為愁了識農期誠尚早邇來遇事每先憂

楊大章文杏雙禽

滿樹和嬌態雙禽棲忘

去聲

飛笑他頭已白

畫白頭翁

還自惜

芳菲

御園泛舟即景

一日還兩日仲春忽暮春舟帷云去可

舟棚四面施帷春暖則去之

岸卉似來親綠意行行重紅情漸漸陳却看瓊片落已
自點芳津

題師善堂

力學在擇師宜師莫如善為之著周哲積斯訓義典於
從母畏難其樂固弗淺彰里吾應祇轉圜吾應勉顧名
思義多詎曰茲游衍

對雲樓

雲對高樓樓對雲相看賓主倩誰分吾當一語為評量

去聲
好作時霖利耦耘

松簧館

夾徑植喬松風翻作衆樂為宮抑為商聽之總堪樂陡
憶子輿言兩端示先覺感額與欣欣憂喜應斟酌署蓋
獨無心奏響夫何著

瑩德堂

階下波光入座清空澄有照淡無營方塘合作湯盤會
思日新懷瑩德情

觀雲榭

啟榭額觀雲觀雲意各異每當望雨時雲散愁開霽設
復苦霖際雲聚憂霪積雲之聚散本無心觀者愁多喜
艱致雲乎雲乎豈能宜雨而雨宜暘而暘聚散如人意
豐隆若有言所願忌太遂

明漪樓

飛閣臨無地方塘印有天翻光閃檐招落照徹淪連風
月隨時趣鳶魚契道詮南昌如可擬作記憑前賢

花韻軒戲集詩牌

軒館照岸涯獨坐潺湲隈讀畫喜法蹟烹茶聞飲才訪
題鷗波並檢禪鹿苑開乘攬潤如滴瀟解應永哉

聞山西得雨

山右霑膏亦廿三

豫東均報二月廿三日得雨護晉撫富明安繼奏省城及各屬得雨亦在

廿三日三省時日既同分數亦皆三寸有餘

菁蔥普潤麥含含思量何獨京

畿未即以為欣即以慙

倪瓚溪亭山色

喬木孤亭遠世喧
崖前流水接山根
何曾頓置師馮覲
真是精神逼董源

近樹遙峯翠互吞
草亭誰許涉其樊
千秋山色留於此

何用吳僧更掩門

未二句反倪瓚書吳僧詩意

深寧堂

翦鑿階基期中

去聲

矩棲遲室宇號深寧
詎吾一已求安

逸願彼羣生暢毒亭

合翠軒

新葉行將發故枝和風暖律日昌怡軸簾最好憑楹望
正是高軒合翠時

題敦素堂

樸斲書堂碧沼濱澄波素影面前陳故知繪事常為後
亦曰淳風在所循情性由來耽澹泊文章豈必藉漣淪
如云水監即民監我却慙為倡化人

靜虛齋

精舍假山上悠然靜且虛會心惟灑灑延景亦如如不

必更稱畫時還可讀書綠筠栽幾個其趣似同予

愛山樓

書樓稱愛山山色罨窓閒堪味仁者壽端欣靜以閒雲
常封石逕葉未鎖林關適可縱遙目丹梯漫重去聲攀

題唐寅瀟湘八景即用其韻

漁村落照

舴艋飄飄繫綠楊網絲風裏露斜陽誰知一片翻光處
瞥眼旋成暮色蒼

煙寺晚鐘

鐘聲古寺帶霜殘趣在春容斷續間雲水僧人行脚罷
精藍指點在前山

瀟湘夜雨

逢渚油雲暗遠空漠漠濛濛雨落宵中殷勤寫得李家句

氣韻含來馬氏風

馬遠瀟湘八景圖
為石渠寶笈上等

山市晴嵐

因山成市趣偏賒茅店高低徑曲斜嵐氣晴光相暎帶

千林紅綠絢如花

遠浦帆歸

疑是朝辭白帝船
晚風吹到葦洲前
猿聲兩岸帶不得
帶得帆頭一片煙

洞庭秋月

銀盤萬古挂天青
湘挾瀟流入洞庭
閱盡臨波拈詠客
寒光上下鎮亭亭

平沙雁落

蕭秋露結塞垣天霜信南歸字陣連嘹唳驚寒聲未斷
滕王高閣楚江前

江天暮雪

暮天紛落六花飛凍凝

入聲

江山合掩扉底識解元傳實

景荆門甫作倦遊歸

見卷末王寵識語

數詩再效鮑照體

一時思靖緬詎曰非兵佳二字蹈輕敵况復失徘徊

初

南徽窮酋不值遠勞師旅未免過為易視京軍纔發三
千餘仍綠營選悞之徒迨將軍公明瑞懸軍深入而額

爾登額等屢飭赴援逗遛退縮轉致賊兵尾隨窺伺為大軍貽患罪可擢髮數耶

三年克鬼方

亦既云億哉四夷要守在尹戍語誠賅五歲定西域疆宇非不開六詔銅出阮鑄錯洵不該七旬舞干羽事難效兩階八政末曰師迷復易象排九原弔國殤尤為難想懷十韻例明遠敬遵天理恢

去聲

往復曲

一喜未必生百喜一愁定將生百愁由此往彼每覺遲由彼返此每似道以貧致富高山仰以富致貧水下流

從少至老非遠期從老還少無良謀改惡遷善花茁冬
變善為惡葉落秋自亂臻治峻嶺車忽治蹈亂順水舟
張照臨米芾孔聖手植檜替簞頭其一向係院
畫殊覺不倫命易以素紙幾暇寫古檜以配之
雖較照字工力欠老而於虬枝頗似傳神

屢見重榮屢見枯其然抑豈亦云吾矯龍特愛字相敵

為去寫門陰路左株

檜在大成門
內甬道東

遣興

途中清明日無風意謂易可致春雨歸來御園問其日

則稱有風幸弗巨一喜在彼當利農一愁在此亦刮土

農諺清明風刮土連綿四十五蓋風靜則春雨易致皆
理數所當然是日在京較途次雖有微風當不至有連
綿之慮然時屆暮春雖為期
尚早已不能不殷願望矣
由來百里致不同兩日一

衷紛愁喜

叶

其後微雨

二月廿三日

不成寸邇來風頗作旁

午喜未可信益信哉愁必致然艱致去

漢玉穀壁

佳城出千百年餘周制分明五等臚不識當時執觀者

抑為吳也抑邾歟

和陶二首用其韻兼效其體

浮浮出岫雲飄飄何所依胡不去虞廷為彼紉繆輝良禽棲幽林亦欲一奮飛擇木苟未得逝寧故枝歸君子不憂貧風人詠樂饑爾希陋巷賢予懷首陽悲

右詠貧士

汲古如食飲一日不可踈暮春苦午炎習靜坐精廬精廬敞以虜插架有古書牙籤分四部芸帙富五車是時

頗望兩園人送新蔬井灌故自佳麥塍安能俱破悶翻

奇經有書亦有圖亦不求甚解淵明趣頗如

嘗謂六經豈可不求

甚解若山海經則宜用淵明之意耳

右讀山海經

沈德潛題張擇端清明易簡圖詩至即用其韻題

卷中

以易易難簡易繁舜舉兩字卓識括萬端世間祇知清明上河圖誰知義經妙義乃於世道關爾時宣和朝士

班蔡童王高甲第攢君臣嬉樂答韶節惜無長繩繫流
年亦有舟車賓遠域酒樓豪飲銀杯擲網來花石競新
奇豈計閭閻被辛螫囊金索幣輸朱門百姓膏脂飽鬼
蜮汴京富貴瞥眼銷可憐畫圖淪草棘展轉流傳數百
年分宜豪效誰能匿嚴敗尤物入大內小監竊取藏精
粹徒供失得閱荆凡那有謨猷告房魏徵詩閱月並書
呈春正德潛具摺進此圖請藏石渠寶笈當即賜發批
答且以詩跋見徵今繕牋呈覽其跡並出手書行間
尚能修整自注時年
九十有六良用欣慰
大耋欣猶食履泰壁箋和韻速就

能畫譜考證何須明納忠因事吾所悉廣平不異圖無逸

夜雨

三月十一日

傍晚春雲低六虛入宵嘉霏遂霰如隔窓聽到四更半
劇地云將三寸餘沃潤所欣及時節勃生真是利藟畬
始希乃獲酬優澤誠慰誠虞心放予

雨後討源書屋

一夜時霖曉問

安營關今日倍增歡書齋退憩年來例潤景凝眸綠樹攢

艱致春膏渥更艱晨趨喜動鷺鸞班就中京兆章先閱
四寸餘霑沃壤間

未見花開葉滿枝書堂不到動經時香紅片片隨流水
一歲韶光又若斯

暮春恭奉

皇太后遊萬壽山清漪園

雨後名園正可遊

康強遍賞麗春酬山增潤意湖增漲陸奉

安輿水奉舟碧鏡光中拖曲堰綠雲叢裏出高樓
枝枝葉葉數何限

萬壽都添海屋籌

樂壽堂

是處足山水題名寓知仁芳菲正春暮宴賞奉
慈親過雨氣增潤無風波不淪願言千萬載

樂壽答昌辰

道存齋

景清神謐天常泰
水趣山情靜可論
一室恰如溫伯雪
果然目擊道斯存

無盡意軒

春日多佳日
花間復柳間
敞軒納景物

慈賞奉幾間
入座波光淨
展屏峰色環
意予無盡處

萱壽祝如山

宜芸館

窓明几淨展芸編祇此相宜餘概蠲却自偶來來便去
幾曾於是得窮年

圓朗齋

依然山水間妙趣託仁智仁圓智欲朗體用具深義如
山亦有峰圓嶠登所自如水亦有波朗照含品類合撰
視此齋以受萬物備

石舫

石舫不可浮常繫湖之溪放舟與艤舟却每因於是風
日今朝佳况復煙花美輕舸試沿泛解纜鏡光裏迴望
渺水天亦何殊彼此

昆明湖泛舟即景禱詠

白芷青蒲帶遠瀆長隄一道兩湖分六橋宛轉皆通港
隨所之舟遇可欣

雨後水風涼不冷舟中煙靄潤無塵已欣春景麗如許
又見西山雲吐新

波態天光正宜濶隄花岸柳總含濡玉泉塔影當空落
疑是北高臨聖湖

鳬雁駕鶩不避舟湖寬天濶任優遊笑他寒儉稱高逸
說到無心狎野鷗

睇佳榭

輕輿候山根扁舟維水裔磴道殊不迴幾轉巖齋至俯
臨暢空濶韶春正明媚波光與蕩漾天容幻陰霽適從
佳處來興復生迴睇

暢觀堂

觀為心之用心暢觀斯暢春雨既沃滋春風復輕颺春
堂了不寒春原紛可望近湖開鏡奩遠山展畫幃連塍
水普足種稻行相向是實吾所庶農務那能忘苟其慳
祈年餘景隨時償

懷新書屋

山舍微遙來不頻湖西南角水之濱漫言軒榭都依舊
今歲初臨便是新

雨後溪山是處佳
稻田鱗疊水鋪排
插秧尚未況言穫
歷歷三時總繫懷

由玉河泛舟遂至玉泉山靜明園

陟降仍乘舫橋過玉帶灣
溯源至渚圉隔歲關林闕春
事九分閱崇情一日間
漫言遊太亟聊偶趁斯閒

翠雲堂

書堂鬱鬱深翠雲
香滿屋霏編芸偶來展讀之未暇
奚有行知與尊聞
兩株老檜堂陰峙
人非夷齊即黃綺

春秋榮謝夫豈知金明成敗不預已檜下牡丹開數叢
一時韶華應付爾

竹鑪山房作

水齋山房特近泉竹鑪妥貼汲烹便玉川七椀太狂逸
小試一甌已洒然

夏冬湯水總需斯

大官日用飲膳例汲此泉

就近淪煎特覺宜小坐

諸人亦云憇得教步輦向前移

題叢雲室

山溪步疊磴巖室駐行輦綠雲既張王

二字皆去聲

白雲復

流行雲之真幻間叢斯室誠善而我偶在斯興會正不
淺安得即為霖繼潤農田徧叶前日方優霑知足故應

鮮

延綠廳

峯邏林圍碧漢摩沃如蔥若總婆娑興來擬向閒廳問
四牖延將綠幾多

練影堂作歌

常時堂中望練影，擬擬疑向雲端落。今日偶從山頂行，
脚底流泉掛簷角。乃悟高下本無定，穴中觀闔非先覺。
砰訇振鷺付不知，一例深潛赴深壑。其間樂趣屬伊誰，
嘬沫跳平聲珠有魚躍。

含峭居

幽居已據衆峭上，四圍峭復室中含。恰似老翁示無著，
前三三與後三三。

題涵漪齋

近水背山堂畫姿與練光恬情生几榻淨照在池塘豈
必因風縐端宜印月涼每來不暖席此景待誰償

掛瀑簷

當簷泛泛落雲端滿耳清聽

平聲

滿目寒設使居然認作

布翠峰便是阮家竿

樂景閣

層閣湖中聳朱闌拾級披暢觀園內外影現鏡參差有
物皆含潤無思不入奇今朝知樂景雨後好春時

虛受堂有會

泰山不讓土河海不擇流弗以人廢言斯語誠良謀書
堂曰虛受詎在萬景投兩字可作師內省能循不愛而
知其惡惡去聲而知其休既受又能擇敷政百祿道譬彼
水鏡虛妍媸惟自酬

靜怡書屋

既曲而深一室披墨林書樓雅相宜尋思尚有相宜在
不及芸窓祇靜怡

寫琴廊口號

絃不七條聲中

去聲

琴聽來大地是春音花香鳥語羣生

樂衣食吾民慮轉深

創得齋率詠

崇構得已久曰創夫何有今春今日來是曰非創否紅
者知為桃綠者知為柳萬物各爭時韶光不相負山以
止為德川以虛為受其得雖不同因量隨所取閒齋付
弗知笑我騰吟口

犁雲亭

高處為亭偏見遠
良田萬頃正興犁
思量復雨誠復好
却喜西山雲脚低

水月庵

何處而無水何水而無月
其分三千界其合一毫髮
分合誰所為東出而西沒
普門坐如如萬劫示寶筏

棲霞室口號

倚巖幽室俯溪光
啟迪詩情迴異常
恰似攝山春暮月

靜含太古坐書堂

樓霞行宮內有太古堂

靜緣書屋

借問緣何自應從動處生此間獨稱靜宜是息諸情不出斯無咎惟微要守貞風松羣籟寂孤鶴一彈聲

題界湖樓

湖濶蓄高水長隄以界之刺波渚葦簇照影岸花蕤上有層樓在兩邊佳景披節宣利谿町多少繫機宜

自玉河泛舟廻即景雜詠

玉河去復玉河迴勝處良遊真暢哉回首玉峯瞻塔影
白瓊簪插綠瓊臺

偶因機暇叩林關水態山情結攬間半日清遊詩廿首
笑予原是未曾閒

清溪幾轉路縈紆靚面呈來耕織圖織婦耕夫恒塵彼
宵衣旰食實應平聲吾

題惠山聽松庵竹鑪圖疊前韻

三載春風別惠泉竹鑪付與苾芻煎却緣字蹟欲更平聲

舊

近檢舊時所書間有未能愜意者傳旨各處以乾隆廿年前字蹟彙進分別或仍或易今江蘇撫臣明德

綴到各種是卷預馬寄暢吟情宛然若即因疊韻題此以溯昔遊

又見畫圖宛到前舒

卷恰同身重

去聲

歷摩挲不是夢中眠因之為憶民情摯

富教慙言兩義全

第一於斯有玉泉
做來筠鼎亦章巖
常時正爾調稱別
今日輸他真在前
庵底想應僧入定
松陰好是鶴安眠
重題仍付南舟去
肱篋還教善保全

溫惠皇貴太妃輓辭

成鼎

軒皇卅六春

懿躬奉養藉誠申

太妃世上超羣壽

太妃今年
壽八十有六

聖祖宮中無一人

今後寧壽宮中更無
皇祖時九御之位矣

為憶

當年勤誨愛那堪此日劇悲辛

佳城雙峙

景陵近

予特依
二太妃寢

窠於

皇貴妃之制命建

壽祺

溫惠

誌

我追思恪念諄

讀晉書郭璞傳

景純好經學兼妙陰陽術郭公授青囊遂洞五行密京
房轉禍福管輅豫凶吉活馬靈偶示賤妾德實失禍終
嬰王敦南岡鵲巢出先知與不知事後原一律明哲保
身人本無奇可述

夜雨

三月廿三日

春膏幾見屢三春報雨猶疑問夜頻可惜連纖祇餘寸

京兆曉報東南二鄉露二寸餘西北二鄉露寸餘

漫言祥瑞此依旬花如濯錦

芳迎埽草盡貫珠潤疊茵過午雲開復雲聚何當大沛

普原昀

題趙孟頫山水

飛瀑掛峯標春山景漸韶教僮守書屋迎客過溪橋紅杏色猶野蒼松意自喬伯駒家法在勝以韻清超

芳暉樓對牡丹作

陽牖糊屋母前墀植鼠姑春暉真愜愛芳意永清娛頽

置稱富貴生憐入畫圖離騷譜羣卉獨訝此名無

樂性齋

孟子道性善性善斯可樂養之不以正善亦恐成惡悅
心在理義怡情詎邱壑惟貴返身誠毋致外物索敬業
幼所識即景述其略

漱瓊齋

澄觀

去聲

是空還是色靜聆非竹亦非絲鳴球即在溪堂

側戛擊何須更藉變

再題安瀾園十詠

荈經館

竹素芸香足渥情每來輒憶舊窓橫雖然經史斯枕肱
何有坐言與起行

四宜書屋

物物生機色色新今來又似獨宜春義經妙趣分明是
仁知去聲下同見殊謂知仁

無邊風月之閣

風自清然月朗然大千世界共無邊如何高閣當獨占

去聲思與平分付一篇

涵秋堂

有水澄空有竹蕭四時秋意滿軒寮安瀾設以陳園擬
八月何當看海潮

遠秀山房

山房西向見西山爽氣西山襟袖間却惱白雲似相妬

幾重藏住黛螺鬟

染霞樓

樸斲書樓綠水涯
高低翠邏復青遮
朝嵐夕靄常相染
丹艸非關浪擬霞

綠帷舫

宛轉迴廊池上披
狀如畫舫岸前維
邇來風日將炎熱
新葉恰齊張綠帷

飛睇亭

一朶芙蓉四柱孤
遐觀近攬總成圖
鹽官飛睇非遊目

邇日塘沙漲也無

煙月清真樓

籠來碧宇三春淡照徹大千萬古新恰與摛文示表的
不於綺麗在清真

采芳洲

陸華水卉向時榮池上虛軒坐俯清設以楚騷顧名義
恐防亦有惻王明

御製詩三集卷七十二

欽定四庫全書

集部

御製詩三集卷七十三
四

詳校官侍郎臣謝墉

助教臣常循履勘

總校官原任臣王燕緒

校對官庶吉士臣張九鐔

謄錄監生臣陳炳

欽定四庫全書

御製詩三集卷七十三

古今體一百三十四首

戊子五

雩祭齋居

今春兩霑膏綠野足一犁
昨自郊外來二麥秀欲齊
幸此承

天貺惟敬益日躋龍見舉

明禋祈澤遑敢稽遷坐茲虔齋
又見興朝躋無何風散

之失望徒怍兮及時希優霖薦薦聞鳩啼

題張宗蒼湖山霽色卷

山雲歸岫石泉淙得得青駘問景行路不生塵峰滴翠

吳天正是雨初晴

雩祭禮成述事

曙光初睹露光濃肅穆

雩壇護古松幸是三春

賚膏澤敬惟首夏萃農功九韶次第鳴儀鳳大禮欽崇

舉見龍奏假無言還有顓繼霑

申佑願重重

賦得紫禁朱櫻出上闌

得圓字七言八韻考試翰詹題

白華早落三春月朱實紛垂首夏天名擬麥英齊麥候
甘稱崖蜜異崖巔託根禁籞迎風熟結顆芳叢映日鮮
樹訝珊瑚爭燭葩珠疑火齊各勻圓充堪鳳食誠如是
殘以鳥銜夫豈然帶籠上聲底應和酪飲傾監乍許當去聲
茶煎漫甞內熱猶須蔗見詠席珍可類賢翰苑分頒還

欲問誰同摩詰什吟篇

雨

四月初五日

侵曉雲容積漸多
遂霏嘉霏勢駢羅
灑空已歷三時久
刷地知霑四寸過
結穗正欣宜
隴麥茁秧真復利
塍禾甫纔望澤沐
優澤自問欽承應若何

題方琮山水八幀

春原驅牧

西墅東村農事興
野橋驅犢向春塍
牧童自有偷閒樂

那管烏捷喘月曾

澄潭泛艇

層疊流泉瀉作溪溪頭略約隔東西拏舟不復留名姓
却笑五湖有范蠡

水榭納涼

出峽奔泉赴壑忙上搯水榭宛如航晝長那更頻揮扇
箇是人間第一涼

竹樓過雨

宿雨初收潤意濛
膩雲歸岫竹吟風
書樓今日披新霽
景與圖中正復同

曲港秋深

綠葉全稀紅葉攢
秋深潦水淨沙灘
擘崖飛瀑雖依舊
却聽聲中帶峭寒

松濤清聽

簷角松風峽口泉
倡予和汝謾音傳
水軒啜嘆高人坐
清聽因之意與然

澗閣風泉

怒泉吼澗已稱奇更落巖風滌盪之小閣屈屨無一客
問娛視聽付伊誰

溪橋吟雪

滿目寒光滿意涼千峯晴雪樹蒼蒼欲詢策蹇溪橋客
吟得新詩凡幾章

夜雨

好雨午略止密雲申復濃且喜無風作遂更霏零霽始

酉達寅末徹夜暢春容入地不計寸優渥利我農屨綏
叨四載額手欽

鴻濛惟是盈虛理誠恐歟或逢此雨麥收定黍禾長上聲
亦芄遇此問何脩惟益勵寅恭

晴

潤逼園亭首夏天假山曲沼罨晴煙薔薇壓架風翻馥
芍藥依欄露帶鮮何必日長命畫舫聊因心慰展書篇
隔林搏棗聲初喚靜聽端知勝管絃

詠湖中鴈詩用沈約韻效其體而反其意

孚卵出蘆塘長

上聲

翼任翱翔金嘴斜學月素羽皓欺霜

鷗猜下渚侶魚避垂波光梁藻欣堪啞人字飛成行徘徊不遠去即此是故鄉

夜陰

夜陰即望復雨午風遂致朗晴雖然優澤已沐未免惜念猶生自我不曾知足怪人豈得謂明恰曉軍前備患

是日乾清門侍衛烏三泰自雲南馳驛至得
患軍前情形額爾登額之誤事罪不勝誅矣越教憤恨

增忤

乾清門侍衛烏三泰自雲南馳驛至京得悉軍前

情狀詩以誌事

蠻結既大勝鼓勇遂前進緬賊斷後路以致絕驛信

大軍

自蠻結拔猷殲醜乘勝深入而木邦所派沿途帶兵駐站之索住等遠巡棄險不守賊人復肆闡截郵報不通

宋賽賊清野邦海軍威振

將軍公明瑞統兵抵宋賽進次象孔賊人皆潛蹤遠匿且

道路阻隘因於邦海暫駐整旅自是沿途搜勦所至斬馘軍聲大振

右軍取猛密

原議額爾登額

率右路大軍取猛密時將軍由邦海勵衆進行因不得額爾登額軍中消息遂取道猛密一路計通聲援陵轅

賊境且數千里

時不通音問乃從猛弄還因糧不勝運

大軍行經猛弄

賊人頻年積穀甚夥因令士卒患力裹帶至不可勝用乃棄餘積一舉而焚之

周行數千里士

氣愈騰奮其間賊屢遮從無一挫刃而何債轅輩曾未

進尺寸

額爾登額等不力攻老官屯進取猛密轉退頃早塔觀望淹時任賊出城立柵忙却不前

旋

師救木邦捷徑翻捨近

時木邦有賊滋擾早塔旁近有間道可通策應甚便乃屢勅額

爾登額等赴援復經駐永昌之鄂寧壘檄皆不應翻取紆道回至銅壁關內地而於積餉之宛頂數程可達者且遲迴行至半月有逾

賊更由捷徑並力邀師困我師

喪良貽誤深堪痛恨

強弩末賊益增數萬然猶全軍出短兵爭接陣將軍及

忝贊殿後以身殉

時轉戰皆勝而旱塔一路之賊以綴兵既退並厚集於大營將軍分遣前隊按

部而行自以疲病之兵不忍輕棄身率忝贊殿後護師接仗致殞

嗟我實我過致失我

忠蓋設使簡賢往接援進必迅

額爾登額等既早知其不能獨當一面因

有額爾景額尚可為之救正無何復以病歿於軍彼時如即命阿里衮往代策應自可迅速無誤乃始則輕視小醜繼復不意額爾登額債事一至此極易將稽時不得不為引過也小人縱誤事決裂

詎斯甚叶致斯或由

天戒我滿盈願誌事書備患何時解此恨

首夏香山靜宜園作

過雨山姿應益佳，偷閒特地駐巖齋。
晚紅留得翻階藥，嫩綠鋪齊罨院槐。
饒有舊題重檢點，那無新句待安排。
適從沃野觀農況，頗覺斯來畧暢懷。

棲雲樓得句

構築山園樓最古，每來先必到棲雲。
愁霖時即對雲厭，望澤之際觀雲欣。
雲豈於人有檢擇，思慮輒至好惡紛。
是時甘膏潤麥黍，雲來雲去隨氤氲。
不及橫樓默無語，似笑多欲徒云云。

天池

山泉難為貯貯即稱天池雲中浮藻荇巖頂遊鯢鯪不
盈復不涸有渟亦有漪秋月喜高印春風愛靜披一年
纔一對坐更無片時

妙高堂

妙高此舊名津逮從玉局山過氏父崇水無揚子綠然
則何由稱得一或兩足拘墟甚無謂齊物可三復飛興
斯不無遊目至浮玉

海棠院

十笏三間古兩株一院深紅苞餘想像綠葉已陰森不
見繞叢蝶空聞啁樹禽瓊姿付春夢笑我始來尋

來青軒

巖葩埭卉銷紅盡低葉高枝罨綠纔仿佛山軒若有語
主人今日共青來

香巖室

山寺邊傍一屋幽慧林拂牖衆香流恰如花散維摩室

於色於空兩不留

肩輿

肩輿登輦數息綠陰森我逸念他倦人情即已心片
時都憩力五字亦成吟便復遵前徑窈深更可尋

超然堂

盤旋出林逕廊落造山堂託意無不迴騁觀真異常神
情契太古畫趣俯千方玉局遊物外於言得未忘

曠覽臺作歌

曠覽千古兮千古有不易辨之史評曠覽九寓兮九寓
有不易患之人情曠覽目前兮目前則羅峯側而嶺橫
是固供靜觀與朗吟兮吾又懼肆志與徑行然則如之
何而可兮莫若付高臺之無營

碧峯館

一朵芙蓉作陣屏四時無改疊濃青天風颭沓翻峰落
馥郁吹來滿室馨

靜室

肩輿出邃谷靜室據高岑到此必宜憩悠然足會心夏

初纔張

去聲

葉春去尚鳴禽仰眺堯峰表喬期或可尋

碧雲寺

精藍隔翠嶺不二里而遙龍象常為守架梁底藉招間
心愜幽賞俗慮淨全消何必天台路方當過石橋

洗心亭口號

心非心自爾洗弗洗由吾何必雲棲寺還資木串珠

雲棲

寺洗心亭掛大木串珠
令人念佛故戲及之

試泉悅性山房

携得新芽此試泉
清供真與性相便
竈邊亦坐陸鴻漸
笑我今朝屬偶然

夕

近山易為名
嶺高日落早
靄靄挹空翠
暮色千林表
吾遊亦已罷
寢齋靜憩好
岩寺鳴晚鐘
庭樹歸宿鳥
几案有古書
挑燈試精討

曉

山館宜高眠萬籟都臻靜何必警言銅籤神清易為醒已
聞啼曉禽漸覺朗窓影披衣問奏章寧可憊屢省

學古堂

寢堂敬數典我

祖示成模

避暑山莊有題學古堂

皇祖御額乃數典也

欲識

聖人道應為君子儒自強斯不息好樂豈良圖學古當
知要要惟遵典謨

題致遠齋

庶官斯引見幾務此疇咨便是遊山處無非勤政時人
惟得屢試章不厭詳披致遠宜從近省心要在思

綠雲舫

連林新綠蔚雲齊帆學飄然帷幕兮設使舍舟更前進
水源應即武陵溪

玉乳泉

竹磴盤紆上數層漸看池水幾窪澄因之窮到靈源處
石罅噴泉小閣憑

無過曲注細流通為有根源出不窮奚必筠鑪重去聲烹
淪神叅海濶與天空

雨香館

過雨已數日林華香未闌有聞皆入靜無卉不為蘭得
地既因迴騁觀乃愜寬天風落巖半暖日喜清寒

華塗精舍

越谷登脩嶺中隆復宛然數間依古寺一牖俯平川謾
聽翻松籟澄披育桂泉精舍在玉華寺傍有泉灌桂經冬不凋壁題如昨

日忽悟隔逾年

綺望亭

京研都鍊難詮妙山色泉聲總契神
騁望不因生綺思
超超祇覺迴凌塵

栖霞

甫經過上弦下春月當午遊山未至晏半輪已堪覩
精廬據幽崖層林羅楚楚素蟾影蕩搖徘徊不忍徂
偶
遇爰此景此景自太古

遲雲館

崇榘築館傍巖隈夕靄朝嵐日與陪坐久試云綠底事

顧名多為遲去聲雲來

韻琴齋

石是琴之桐泉是琴之絲泉石相遇間琴鳴自所宜非
關七條絙不藉五指揮大絃與小絃間去聲作相熙怡移

情在無始高謝成連師

對瀑四首

架壑梯巒引流水到斯數仞落巖隈適從知樂濠邊立
知自淙淙脚底來

水樂中

去聲下同

宮還中商滿心清泚滿眸涼淪連上下光

無定激楚音中送夕陽

洗盡十方三界塵真聲真色一空真飛魚直上雲霞表
羞煞便嬛善釣人

藉甚天漿玉女斟渤碣淨滌世間音去年秋杪山莊對
滿耳清聽直到今

鶯

好山當首夏鶯語出林遲斗酒非予事雙柑亦過時鉞
砭惟俗耳鼓吹合清詩擬向孔珪問蛙寧足匹斯

芍藥

山中土脈厚卉木總昌昌紫藥翻風馥白珠擎露光叢
高峰僂採辦大蝶深藏謝朓如曾遇清詞當異常

題金廷標採藥圖

是誰採藥地行仙一足攀藤一踏肩擎立者呼謂珍重

恐防失跌落重淵

手捫肩聳向危巖似此求仙亦大難
畫者解留畫外意
秦皇漢武未曾看

再題超然堂

澗花崖葉噴清芬盤盤磴道入白雲
出雲下視平野綠
此有書堂迴絕羣
閒憑朗詠無不可
記憶細故翻成瑣
元輕白俗自由他
物與民胞惟塵我

滕亭

滕亭攬滕攬無遺近嶺遙峰畢獻奇設使驀逢張季有
母煩高論且卑之

朝陽洞

尚有竄高處寧當孤此來千林入蕊萼一室坐徘徊騁
望既以遠託情無不該夏涼冬則燠牝洞具神裁

再至靜室作

靜室吾所喜奚妨一再臨松風無俗韻山鳥有佳音既
以延遙矚因之暢遠襟似聞降鶴駕猶隔白雲深

聚雲亭口號

亭子臨虛稱聚雲果然滿谷蔚氣氲何當再作青郊雨
大慰吾民望歲勤

山陽一曲精廬

精廬一曲構山陽窈窕而深委婉藏臨下又堪供望遠
箇中誰得易相方間雲寫出三間棟落瀑流成半畝塘
曰水曰山真華景片時消受小年長

淨涼亭

山中多流泉惜是難為貯方塘斯已成況有亭四柱淨
披明鏡光涼納輕紈縷纓足兩無濯滄浪忘棄取

懷風樓

有風斯稱清有樓斯戒綺既樸亦既虛泠泠豈捨此可
以納輕涼可以盪塵滓披襟散令情拂按閱古史顧名
頗自思能無愧君子

得一書屋戲題

世間萬物及萬理皆有對待無單行曰天曰地曰空色

是非善惡實與名謂得謂一已成兩是謂未識清和寧
然則書屋亦妄謂去道遠矣何由貞

琢情之閣

吾聞宣尼言性近習相遠習而戢為情是宜返其本脩
忽鑿混沌匪愛乃成損斯閣題琢情寸長尺喻短終當
去安排於焉契倪筦

晚陰

薈蔚隳夕峯旋隱碧芙蓉靄靄樹頭低英英谷口封為

霖斯益佳於獲寧辭重情知甫霑澤望蜀念太濃然不能無望亦曰因祈農

夜雨

四月十一日

山齋夜方半夢醒雨聲聞隔牖響如遞披衾寒亦欣垂
空間去聲踈密利物太殷勤曉霽清無比餘珠滴綠簷

輕輿過南嶺詣寶相寺瞻禮

寶相肖殊相

是寺仿五臺殊相寺為之

去年始落成來瞻趣清暇好

雨恰初晴勝地花宮湧慈航陸海撐如云三十二一一

是無生

香林室

寺側有行館便中一憩臨俯前極空廓峙背聳林岑法

界何空色好山自古今梵聲聞隔障足以空

去聲塵心

妙達軒

兩株銀杏峙堂襟櫛櫛青雲佈爽陰幾百年前此誰賞
龍愁惟是照無心

構昔草今軒依古樹穆然古意得今來便教充詘人居此

應亦神心妙達開

含清堂

詭石森玉笏古松累珂傘是中詰逕通數間亦行館長
去聲物底須設空洞含清宛可以會素心可以眄層巘更
宜落天風颯沓清聽滿

山行

平明登峯窅衆香霏林莽是誰甲煎薰旋悟昨宵雨

山花

山花不計名
姁娜酌醲纖
宿潤瓦綠野
餘波許汝霑

晴

徂雲猶戀空
淡煙已藏岫
既雨晴實佳
羲光萬峰逗
濃青與濕翠
高下如錯繡
石泉響益寒
夏林陰始茂
林陰間小憩
五字亦因就

竹鑪精舍戲題

到處山房有
竹鑪無過烹
淪效清娛質
諸性海還應
笑大輅椎輪
至此乎

虛朗齋

銅鏡與池水皆以虛致朗其中弗著物故能含萬象一
心豈殊斯是在知所養豁然去壅蔽廓然絕偏黨至人
乃無已君子坦蕩蕩順應照不遺色荒量則廣題額詎
偶然思義常存想

麗瞩樓

暗竇明亭成麗瞩側峯橫嶺總怡情真佳試問今朝趣
好雨還欣值好晴

聽雪軒

池上落飛流池心復酌突有色惟澹泊是聲皆清越虛
軒名聽雪數典寒山窟寒山即目前引我逸興發

河南巡撫阿思哈奏報得雨

仲春得雨早聞之踰月音疎每廬思却幸報霑嘉霽日

正同優被夜霖時

阿思哈奏豫省自三月上旬所屬節次得雨及四月初五日田間望澤又

殷連夕遂得透雨入土深至六寸是日京師自晨達夜甘霖霑霑正渥

麥田顆粒增實粟

黍隴秧苗益沃滋小駐香山披喜牘昨宵猶是霏絲絲

香山迴蹕由玉泉山至

暢春園問

安即事禱詠

一輪紅日曉山東
柳陌蘭衢露氣濛
迴首昨來覓句處
蔚藍天接綠雲叢

香山迴蹕路恒經
披閱封章此少停
批答以完即命駕
心殷仙苑謁

慈寧

溯遊何必泛蘭船
况是微涼罨曉煙
分付昆明湏少待
荷時當與試吟篇

舟行不及陸行速
迤邐輕輿度圃田
都為前朝繼霑澤
柔苗菜甲總生鮮

香山送金蓮花至

亞埭前朝猶萼葆
裝瓶今日已花開
分明演出蓮華藏
電火流陰視此哉

雲容

雲容時聚時散節候宜雨宜晴究望再霑膏澤果然貪
得人情氣炎廣厦靜謐幾暇文房潔清對景拈毫摘句
撫序翠譙戒盈

題漢玉穀壁

穀壁一具車口完全想邊幅磕損被俗手刮去一
面改作荷葉形命玉人還其舊貫而係以詩

壁製舊稱穀葉形誰改荷惜哉眩時尚命與返初磨密
理全皴土縛文如溢波民天名久寓題句豈嫌多

東園觀麥

東園有隙地種來驗田功一月未經臨麥穗簇芄芄都
綠屢霑澤額手謝

鴻濛實穎既已佳實粟更冀充庶幾繼霑雨獲秋當益
豐邇日頗作雲雲作隨以風誠恐遂斬膏失望嗟三農
祈歲無止念慰不抵憂忡

題鄒一桂花卉冊

杏

同梅五出異梅香結實甘勝一著嘗小雀不知閒揀擇
棲枝聊復愛紅粧

蘭

不在盆中不畹邊折來帶露幾枝鮮無端那慮風吹謝
人是長生杜氏仙

長春

綠葉紅葩點漆勻竹欄石砌鎮鮮新分明註出羲經旨
一氣乾元四季春

茶蘼

色如重釀味加芬
屢舞風前若帶暉
可惜蜜蜂忙兩翅
不能嘗得祇饒聞

紫藤

風中婀娜月邊斜
逸態閒姿總不差
縱使李倫錦為障
紫絲終是屬王家

梨花

月明何獨李難分
為去聲是梢頭噴靜芬
設使於斯叅色

相等間亦得證聲聞

虞美人

垓下楚歌聞四面失時可奈美人虞
芳魂千古帳中舞
韓信陳平儼丈夫

秋海棠

花鈿委地尚餘姿
小字何妨人盡知
不恨三郎恨元禮

垂危安得託忠辭

通鑑紀楊妃馬嵬自縊事以陳元禮計弭兵變不失為效忠之舉杜甫且

掄揚之殊不知元禮於楊氏方張時何不犯顏請誅乃當隨君播遷時身統衛士不聞引義鎮撫徒欲甘心國

忠乘譽激軍脅主律以魯論
雖曰不要之誅其無辭矣

藍菊

名冒黃花色却藍東籬開先去聲月餘探穠州設讀柴桑

傳體物能無默自慙

牽牛

辦辦花房孌孌絲牽牛那解助耘耔河邊涼露新秋夕
似候黃姑過渡時

芙蓉

照影江邊上下紅
丰姿雅合颺輕風
飛來翠雀棲橫葦
欲啄芳葩向水中

菊

各種東籬晚節香
幅中何故獨遺黃

是圖菊花四種而無正黃色故戲及

之小山深意人知
否同氣防他盡歛芳

水仙

休論涿河與洛濱
玉為肌骨雪精神
世間更有誰堪比
合是水晶宮裏人

天竺

珠串珊瑚不藉絲寧須百八數為期名稱天竺實相稱
去聲曾是婆羅門呪持

蠟梅

臘月江鄉興不孤偶將蠟梅寫成圖花前試問高閑客
也憶金門獻歲無

熱

去年臘既望已立今歲春所以節候早消息推疇人清

和月之杪如仲夏首旬邇來適未雨赤日輒朱輪炎熇
不可當縱風熱鬱湮御園清涼境廣廈揮汗頻倦彼畝
畝間炙背方耕耘黍禾苗已茁牟麥穗正振何當山出
雲一雨萬事閒

聞蟬

四月廿三日

初鳴聲尚澀再鳴聲已暢旋聞柳塘間一和而一唱萬
物各趨時片刻不相讓玩日愒時者胡不思所向

湯泉荷花

水溫候復早四月綻荷花中使携瓶貢新葩映座嘉翻
階友紅藥望浦想朱霞設以方君子甘羅豈足誇

夜雨

四月廿五日

晚雲意頗濃其雨猶未降披衾稍假寐薄冷侵紗帳徐
聞霰霰聲隔牖颿春撞惜哉風隨作雨勢遂相讓展轉
不成眠春膏恐孤望所希大需澤庶幾利耕耜

將軍公明瑞及領隊大臣都統扎拉豐阿護軍統
領觀音保靈樞至京親臨奠酌即事成什

全師原是出蠻陬何事三臣命獨休

將軍公明瑞師次小猛育額爾登額

逗遛不接應以致旱塔木邦之賊併力邀遮時以營中病疲之卒誼難徑棄三臣矢志不肯輕還殿後接戰臨

陣捐軀

被阻稜稜恥生返捐軀赫赫永名留殿軍無愧孟

之反隕節同如趙慶州故里櫬歸臨奠酌酒杯釀盡淚還流

題金廷標畫八幀

漁舟

泊舟危壁下伸髀探滌泚獲珠界丈人定將取石銀

樵徑

擔柴緣曲徑石磴聳迤邐買臣熱中人是固非所擬

水車

春隴待灌溉水車踏聯絡本是無機心那慮漢陰薄

夜讀

梧月柳銀雲展書汲古芬樂此清宵景非學陸佃勤

撫琴

獨坐崇巖巔膝上橫琴撫飛鴈落平沙妙合曲中譜

款鶴

胎仙伴朝夕豈曰無佳賓憶在雲龍際神會張山人

書課

衡石較芸編工夫課多少雖曰效祖龍清濁殊了了

橫箋

橫箋復把筆童子持梅進欲畫抑欲書總可為春信

五月朔日恭奉

皇太后觀龍舟

今歲端陽適值齋

夏至月之七日
端陽日應致齋

龍舟先

去聲

節浦中排

詎因一已供

平聲

遊目為是

萬年博豫懷延壽縷長拂仙艾迎涼庭爽翠高槐麥秋
已報八分穫幸可

慈歡撫變諧

以菩提葉書心經并成是什

心經二百六十八足該三藏之全文書惟貝多羅始稱
去聲金粟亦惟祖蔡倫貝多羅既不可得粵東菩提猶其

鄰竺僧智藥持種至植之虞苑傳虞翻授偈百十七年
後菩薩於此示肉身六祖祝髮果其下風旛不動堂猶
存樹厯千載葉萬億謂非佛力誰緣因般若波羅書既
竟得毋見布而疑廢

錢選石榴

火齊囊盛冷玉珠枝頭綠葉蔚相扶熟來佳實天然剖
詭辯夷維更藉無

宋旭禹王村夜話圖

禪關訪靜侶不覺夜深時既曰談空諦留圖復底為

題瑩德堂

書堂枕碧溪漪影近平隄澄照契軒豁怡神協篴俛澡
身明德業取象俯玻瓈責實循名切吾寧漫與題

對雲樓即興

重陰綠樹幕簷披出樹層樓眺遠宜此日對雲無別念

念惟大霈雨應

平時聲

松篴館

不竹而為簧非虛而為竅吹萬風入之落落吟古調素
琴或可寫和笙奚能肖於古有師曠解會聲前妙

寫鏡亭

銅猶待旃摩玻瓈待錫貼

西洋玻瓈鏡必以水銀和錫貼背面然後能照物

惟

水則不然有照非他藉叶波澄那更興物來隨所接詎
設妍媸見真覺性情慳以弗寫寫之虛亭了無涉

樂性齋口號

量雨較晴勤望歲性子所產在元元即今正復希膏澤

樂豈不佳不易言

新賞室

彌月未經到夏光又異春花紅何處去樹綠滿庭勻不
解琴樽趣惟耽書史因聖經從幼讀奚有在新民

題抱樸草堂

詎云無畫棟偶爾愛茆茨借羃綠陰下還臨碧水涯稀
來原似狃暫憩頗相宜黃屋非堯志吾猶景仰斯

挹泉榭

階臨流水澹然披容是文章聲是詩久坐何妨挹芳潤
句成輒復步前移

靜虛齋

虛室峭蒨間既深斯致靜階前草遞芳窓外竹搖影
几置博山馥馥淨香領清思於以生塵念於以屏子西
得同然時哉日方永

雨中西直門外

徹夜霏微勢未成曉來密霏始傳聲憑輿那復知塵土

涼潤光中問景行

邇來甫切望霖懷此雨時哉信大佳僕役濕衣非不慮

還宮有事為

去聲

臨齋

黍禾及尺綠苗蕤收麥堆場種穗遺此際吾心塵

平聲

又

別優霑快霽乃為宜

大田得此膏澍可謂及時而二麥正在登場又宜即霽既慰之餘復

生冀

幸

養心殿對雨作

適來郊雨已稱佳心猶不免嫌未暢還宮廣殿坐清晝

洞啓紗䟽眄雲狀密鋪四字濃且低歷午達申勢酣放
京兆晚報二寸霑其實言過恐無當斯乃既優復既渥
助我穉苗長誠諒轉思麥收尚棲畝快雨快晴希兩償

題金廷標人物畫

松柏之間誰則宜捨梅卉裏更宜誰山凹選得含英品

自課奚僮為去聲接枝

右選梅接枝

竹籬茆屋幽居致山霧溪烟過雨晨移得桃花栽繞舍

箇人疑是鈔鑼人

右移桃課植

御製詩三集卷七十三